

## **2020ko aurrekontuaren aldaketa. Behin betiko onespena.**

Behin Udaleko Osoko Bilkurak, legezko den quorumarekin, bi mila eta hogeiko otsailaren 6an hasiera batez onetsirik, eta jendaurreko epea inolako erreklamaziorik gabe iragan eta gero, behin betiko onetsita gelditu da 2020ko Aurrekontua betetzeko Oinarrien aldaketa, xehetasun hauekin bat:

### **1.- Aldaketa orokorrak 2020ko Oinarrien agiriaren testu osoan**

1) Berresten dira 2020ko oinarrien luzapenean jada urteen aipamenez bezainbatean sartuta dauden aldaketak, salbu eta oinarrietan aipatzen den lege-arauren bat onetsitako urtearen kasuan:

-2019 ordez 2020 jarri da.

-2018 ordez 2019 jarri da.

2) Aurrekontu-programa zehatzen aipamenak egokituko dira, bat etor daitezen 2020ko aurrekontu luzatuan agertzen diren kode organikoen eta kode funtzionalen egitura berriarekin.

3) Alorren eta alorretako zuzendaritzen aipamenak egokituko dira, bat etor daitezen Alkatetza Dekretuaren bidez 2019ko ekainaren 21ean onetsitako Udal Antolaketa berriarekin.

### **2.- 1. OINARRIAREN azken paragrafoa aldatzea, honako eduki honekin bat:**

1. OINARRIA:

.....

Aurrekontu Egonkortasunari eta Finantza Iraunkortasunari buruzko apirilaren 27ko 2/2012 Lege Organikoa aplikatuz, eta Europako Nazioetako eta Erregioetako Kontuen Sistemaren irizpideekin bat (SEC95), honako entitate hauek osatzen dute Iruñeko udalerraren Administrazio Publikoen sektorea:

1.- Iruñeko Udala.

2.- Udaleko Hirigintza-Gerentzia Erakunde Autonomoa

3.- Iruñeko Udaleko Haur Eskolen Erakunde Autonomoa

4.- Pamplona Centro Histórico Sozietatea SA

5.- Asociación Navarra de Informática Municipal SA (ANIMSA)

6.- Gayarre Antzokia Udal Fundazioa.

Oinarriaren gainerakoak oraingo testuari eusten dio.

### **3.- 10. OINARRIAREN 4. puntua aldatzea, honako eduki honekin bat:**

4. Finantziazioa ukitua duten kredituak edo gastuak nahiz kredituen geldikinak gehitzean sortuko direnak kualitatiboki geldituko dira loturik.

Finantziazioa ukitua duten kreditu edo gastuen lotura kualitatiboa aldatzeko, beharrezkoa izanen da Udaleko Osoko Bilkuraren erabakia, ez beste ezein izapiderik, baldin eta bermatzen bada, eta espedientearen egiaztatzen, gastu berriek segitzen dutela finantziazio ukitua lortu edo erabiltzeko behar diren baldintzak betetzen, betiere indarra duten arauekin bat. Aurrekotik salbuesten dira Finantzaz bezainbatean Jasangarriak diren Inbertsioen kasuan inbertsioa egin eta amaitu ostean geratzen diren hondarrak edo soberakinak; izan ere, horiek txertatzen ahalko dira soberakina zein partidatan gertatu eta horren kode organiko, gastu-arlo eta kapitulu bera duten Finantzaz bezainbatean Jasangarriak diren Inbertsioen kreditu erabilgarrian.

Finantziario orokor ukitu gabeaz Aurrekontuari gehitutako kreditu-geldikinen kasuan, behin inbertsioa egin eta amaitutakoan geratzen diren hondarrak edo soberakinak txertatzen ahalko dira lotura juridikoaren kreditu eskuragarri orokorrean.

**4.- 20. OINARRIAREN bigarren paragrafoa aldatzea, honako eduki honekin bat:**

20. OINARRIA: .....

- Kontratazioen kasuan, Udaleko kasuan kasuko arduradun edo teknikari gainbegiratzaileak oniritzitako faktura –betiere oniritziak dagokion data daramala–, eta, horrekin batera, kontratu bakoitzaren pleguak ezartzen dituen bestelako agiriak. Obren kontratuetan, zehazki, horiei dagozkien ziurtagiriak gehituko dira, Udaleko teknikariek behar bezala oniritzitakoak, bai eta obra eta enpresaren zuzendaritza ere, eta, hala behar izanez gero, obra hartu izanaren akta. Nolanahi ere, ulertzen da obraren egiaztapena onetsita dagoela dagokion fakturaren onespene-datan.

.....

20. OINARRIAREN gainerakoak oraingo testuari eusten dio.

**5.- 32. OINARRIAN honako hau gehitzea hirugarren paragrafo gisara:**

32. OINARRIA: .....

Partikularrei birgaitze-lanak egin ditzaten epe luzeko maileguak ordaintzeko, justifikatu beharreko ordainketa-aginduak 25.000 euro jotzen ahalko du, gehienez ere.

.....

32. OINARRIAREN gainerakoak oraingo testuari eusten dio.

**6.- Azken Xedapen HAMAİKAGARRENA kentzea:**

**7.- 3. Eranskinaren 3. atala aldatzea, honako eduki honekin bat:**

3.- BESTE HAINBAT ESKUMEN

3.1 Zerbitzu Orokorretako Alorra.

3.1.1. Ogasuneko Zuzendaritza

Zerbitzu Orokorretako Alorraren Ogasuneko zuzendaritzaren eskumenekoak izanen dira honako partida hauei dagozkien gastuak:

- 202000 Lokalen alokairua: betiere lokalak noizbehinka edo modu puntual batean erabiltzen ez badira, kasu horretan dagozkien alorrek kudeatuko baitituzte.
- 212020 Komunitate-gastuak
- 215000 Bulegoko altzarien eta tresneriaren mantentze-lanak, 21/92061 azpiprograman
- 220000 Bulegoetako material suntsikorra eta 14. oinarriarekin bat gastu arrunt gisara jo eta 220000 kodeari egotzi ezin zaizkionak
- 221040 Jantziak, 60/13000 azpiprogramari egotzitakoa izan ezik
- 221100 Garbiketa-materialak
- 224010 Ibilgailuen aseguruak
- 224020 Erantzukizun zibileko aseguruak
- 224030 Kalte materialetarako aseguruak, salbu eta Kulturako, Hizkuntza Politikako, Hezkuntzako eta Kiroleko Alorrari dagozkionak
- 224040 Istripu aseguruak (21/92061 azpiprograma)
- 212050 Garbiketa-kontratuak, 21/92061 azpiprograma: Edukiontzi higieniko-sanitarioak instalatu eta mantentzeko kontratua

- 625000, 635000            Altzariak eta bulego-tresneria
- Ondasun higiezin ondare-kudeaketak sortutako gastuak eta Udala parte den jabekide-erkidegoetan egindako inbertsio-gastuak, zeinak dagozkien inbertsioen aurrekontuko aplikazioei egotziko baitzaizkie, betiere gastuen izaeraren arabera, behin Alorrari jakinarazi eta gero.

Baldin eta salbuespenez udal alorrek berandutze-interesak izapidetzen badituzte 20 93400 352000 (Diru-bilketa eta Diruzaintza. Berandutze-interesak) aplikazioaren kargura, Ogasuneko Idazkaritza Teknikoak baimena emanen du, kasuan-kasuan, haren kontabilitatera eta kreditura sartzeko.

### 3.1.2. Giza Baliabideetako Zuzendaritza

Zerbitzu Orokorretako Alorraren Giza Baliabideetako Zuzendaritzaren eskumenekoak izanen dira I. Kapituluari (Langileria-gastuak) dagozkion gastuak.

### 3.2. Hirigintza, Etxebizitza eta Osasuneko Alorra

Hirigintza, Etxebizitza eta Osasuneko Alorraren eskumenekoak izanen dira honako aurrekontu-aplikazio hauei dagozkien gastuak:

- 50 33800 227000 (Sanferminak. Osasungarritasun publikorako kontratuak). Komun kimikoen kontratazioa.

### 3.3 Proiektu Estrategikoetako, Mugikortasuneko eta Jasangarritasuneko Alorra.

#### 3.3.1. Hiri Kontserbazioko Zuzendaritza

Hiri-Kontserbazioko Zuzendaritzaren eskumenekoak izanen dira honako partida hauei dagozkien gastuak:

- 221020    Gas-kontsumoa
- 212010    Eraikinen mantentze-lanak
- 212030    Eraikinen mantentze-lanetarako kontratua
- 214000    Garraioaren kontserbazioa eta mantentze-lanak
- 221001    Udal-eraikinetako elektrizitatea
- 221003    Semaforoetako elektrizitatea
- 221011    Udal-eraikinetako ura
- 221012    Ureztatzeko ura, kanona eta harguneak
- 221031    Ibilgailuen erregai-kontsumoa
- 221032    Berokuntza
- 212050    Garbiketa-kontratuak
- 225021    Zaborren gaineko tasa
- 624000, 634000 Ibilgailuak (Herritarren Segurtasuneko Alorrarenak izan ezik)

#### 3.3.2. Proiektu eta Obretako, Mugikortasuneko eta Jasangarritasuneko Zuzendaritza

2020ko ekitaldian zehar egin eta Proiektu eta Obretako, Mugikortasuneko eta Jasangarritasuneko Zuzendaritzak kudeatu beharreko inbertsioek beren espedienteetan baimen bat jaso beharko dute ukitutako aurrekontu-aplikazioak lotura organikoa zein Alorrekin eduki eta horren Idazkaritza Teknikoak emana.

Indarra duen aurrekontuari gehituko zaizkion inbertsioen kreditu-geldikinak hasierako ekitaldian izapidea zein alorrek hasi eta horrek berak kudeatuko ditu.

**8.- 8. Eranskina (dirulaguntza izendunak) onestea, honeko testu honekin bat:**

AURREKONTU APLIKAZIOA	ONURADUNA / KONTZEPTUA	ZENBATEKOA
30/15220/482090	Iruñeko Abokatuen Elkargoa / Hitzarmena Hipoteka-bitartekaritzako Bulegorako	25.500,00
50/23910/482090	Instituto de Promoción de Estudios Sociales-IPES ELKARTEA Fundazioa / Emakumeen Liburutegia-Dokumentazio Zentroa mantentzea.	25.500,00
50/33401/482090	Olentzeroren Adiskideak Elkartea / Laguntza, abenduaren 24an Olentzeroren kalejira egiteko	15.000,00
50/33401/482090	Errege Magoen Kabalkadaren Elkartea / Laguntza, urtarrilaren 5ean Errege Magoen Kabalkada egiteko	50.000,00
50/33401/482090	Iruñeko Orfeoia / Hiriko musika-ondarearen hedapena eta kontserbazioa	100.000,00
50/33501/482090	Euskaltzaindia / Euskara ikertu eta zaintzea. Hizkuntza normalizazioa	12.000,00
70/23181/482090	Elikagai Bankua / Bankuaren jardunak sortutako gastuen finantziaketa	40.000,00
70/23181/482090	Secretariado Gitano Fundazioa / Esku-hartze integrala gizartean, gutxiengo etnikoekin, Iruñean	30.000,00
70/23181/482090	Nafarroako Desgaituen Entitate Ordezkarien Batzordea (CERMIN) / Finantzaketa, desgaitasuna dutenek parte hartzeko proiekturako, eta CERMINeko kide diren entitateen jardueren hedapena	15.000,00
71/23930/482090	Garapenaren aldeko Gobernu Kanpoko Erakundearen Nafarroako Koordinakundea (CONGDN) / Finantzaketa, gainerako GKEei proiektuen berri emateko eta haien arteko koordinaziorako, eta prestakuntza-ikastaroak funtsean erabileraren gainean aholkularitza emateko.	36.000,00
	<b>GUZTIRA</b>	<b>349.000,00</b>

Aldaketa honek ediktu hau Nafarroako Aldizkari Ofizialean argitaratutakoan hartuko du indarra.

Iruñean, 2020ko martxoaren 6an. Alkate Udalburua, Enrique Maya Miranda